



TOSHKENT DAVLAT YURIDIK UNIVERSITETI REKTORINING B U Y R U G' I

2021-yil

5-may

02-109-son

Тошкент давлат юридик университети талабаларини Ғафур Ғулом номидаги кўкрак нишони билан тақдирлаш тўғрисида

Тошкент давлат юридик университети ректорининг 2020 йил 4 сентябрдаги “Ўзбек адабиётининг забардаст вакилларида бири Ғафур Ғулом ижодини кенг тарғиб қилиш ҳамда бу борадаги ишларни самарали ташкил этиш бўйича қўшимча чора-тадбирларни белгилаш тўғрисида”ги 08-156-сон буйруғида белгиланган вазифалар ижросини таъминлаш, ўзбек адабиётининг забардаст вакилларида бири Ғафур Ғуломнинг бой ижодий меросини ёшлар, айниқса ҳуқуқшунослар орасида кенг тарғиб қилиш, университет ходим ва талабаларида адабиётга, хусусан адиб асарларига бўлган қизиқишни янада ошириш, уларнинг бу борадаги фаолликларини қўллаб-қувватлаш ҳамда Тошкент давлат юридик университети талабаларига Ғафур Ғулом номидаги кўкрак нишони ажратиш бўйича комиссия йиғилишининг 2021 йил 27 апрелдаги 1-сон йиғилиш баёнига мувофиқ,

Б У Ю Р А М А Н:

1. Ғафур Ғулом номидаги кўкрак нишонини қўлга киритиш учун тақдим этилган номзодлар дастлаб факультетлар томонидан, кейинги босқичда университет комиссияси томонидан ўрганилиб, уларнинг ижодлари баҳолангани ва улардан 4 нафари тақдирлаш учун тавсия этилганлиги инобатга олинсин.

2. 2020/2021 ўқув йили учун қуйидаги талабалар Тошкент давлат юридик университетининг Ғафур Ғулом номидаги кўкрак (бундан буён матнда – Кўкрак нишони) нишони билан тақдирлансин:

Оммавий ҳуқуқ факультети 2-курс талабаси **Файзуллаев Азимжон Ўктам ўғли**;

Жиноий одил судлов факультети 2-курс талабаси **Жўраева Мохларойим Элмуроджон қизи;**

Хусусий ҳуқуқ факультети 4-курс талабаси **Очилов Шохруҳ Равшан ўғли;**

Халқаро ҳуқуқ ва қиёсий ҳуқуқшунослик факультети 3-курс талабаси **Бахтиёрова Чарос Бахтиёр қизи.**

3. Кўкрак нишон билан тақдирланган талабалар базавий ҳисоблаш миқдорининг уч баробари миқдорида тўланадиган бир марталик пул мукофоти билан рағбатлантирилсин.

4. Бухгалтерия (М.Парпиев) кўкрак нишони билан тақдирланган талабаларга белгиланган миқдордаги пул маблағларини университетнинг бюджетдан ташқари маблағлари ҳисобидан тўлаб берилишини таъминласин.

5. Маънавият ва маърифат маркази (Ш.Пўлотов) ҳамда факультет деканлари:

Кўкрак нишони билан тақдирланган талабаларга кўкрак нишони ва унинг гувоҳномасини тантанали равишда топширилиши чораларини кўрсин;

Кўкрак нишони билан тақдирланиш тартиби ва унинг аҳамиятини талабалар орасида кенг тарғиб қилиш орқали унда иштирок этадиганлар сонини ошириш чораларини кўрсин;

Кўкрак нишони билан тақдирланган талабалар тўғрисидаги маълумотларни университетнинг ижтимоий тармоқларидаги саҳифалари орқали кенг тарғиб қилсин.

6. Ушбу буйруқ ижросини назорат қилишни проректор А.Хашимхонов ҳамда проректор в.б. А.Иминов зиммасига юклансин.

Ректор



Р. Ҳакимов

Лойиҳа киритди:
Маънавият ва маърифат
маркази директори

Ш.Пўлотов

Келишилди:

Проректор

А.Хашимхонов

Проректор в.б.

А.Иминов

Бош бухгалтер

М.Парпиев

Юридик буюро
катта юрисконсулти

Э.Хосилов